

PLAISE A NOSSEIGNEURS DE PARLEMENT,

50

auoir pour recommandé en Iustice le bon droit,

Des manans & habitans du village de d'Herbecourt en Sangterre Preuosté de Peronne, appellans d'une Sentence rendue par Messieurs des Requestes du Palais à Paris le 7. Auiril 1626. & demandeurs en lettres par eux incidemment obtenues pour articuler faits nouveaux.

Contre les Doyen, Chanoines & Chapitre de saint Fourcy de Peronne intimez et deffendeurs.



L'agit au procez d'un droit de bannalité de moulin pretendu par les intimez, & auquel par la Sentence dont est appel ils ont esté maintenus & gardez sur lesdits habitans d'Herbecourt appellans, avec droit de les pouoir contraindre d'aller moudre leurs grains en leurs moulins de Feuillieres.

Mais les appellans soustiennent qu'il a esté notoirement mal iugé, pour plusieurs considerations tres-pertinentes.

La premiere, parce que les intimez ne rapportent aucun contract par lequel il apparaisse que lesdits habitans d'Herbecourt se soient iamais assubjectis à ce pretendu droit de bannalité, A faute dequoy il est certain tant par le droit commun François que par la disposition des Arrêts, que personne ne se peut attribuer priuilege de bannalité en ses moulins, comme estant vne seruitude laquelle ne se peut acquerir sans titre, *Sine conuentione & obligatione reciproca*, comme il est decidé au 9. *Si quis velit institut. de seruitutibus*. Ce qui est tellement veritable qu'il a esté perpetuellement iugé qu'une possession & iouissance de cent ans & plus ne seroit pas suffisante, attendu que ce droit est de soy grandement odieux, tant parce qu'il est contraire à la liberté publique, que parce qu'il tourne à la foudre & oppression du pauvre peuple de la campagne.

Et si bien les intimez ont produit quelques pieces dans lesquelles il disent estre parlé de ce pretendu droit de bannalité, l'on ny peut auoir aucun esgard, parce qu'ils ne consistent en effect qu'en un ancien titre de l'an 1507. contenant vne declaration des biens dudit Chapitre de S. Fourcy, & en deux ou trois adueus & quelques Sentences données contre quelques particuliers dudit village d'Herbecourt : toutes lesquelles pieces ne peuuent de rien seruir.

Carpour ce qui est dudit ancien tiltre en forme de declaration, les habitans d'Herbecourt n'ont point signé ny soubscrit aux chapitres & articles dans lesquels il est parlé de la bannalité de moulins, mais seulement en vn autre endroit où il n'est point parlé de bannalité: De sorte que l'on n'en peut induire qu'ils se soient obligez à ladite pretendue bannalité.

Et au regard des adueus ils ne sont produits en bône forme, Et d'ailleurs il est certain que l'on n'en peut tirer aucune cōsequence, qu'entre le seigneur & le vassal qui y sont parties, mais non pas à l'encontre des appel. qui n'y sont en façon quelcōque denōmez ny cōpris, *Res inter alios acta, aliis nec nocet, nec prodest. Quæ quisque aliena in censum deducit nihilo magis eius sunt l. 50. ff. de aquirendo rer. domino.* Et quant ausdites Sentences, la Cour obseruera s'il luy plaist, Premièrement qu'elles ne sont données que depuis peu d'annees en çà, Et de plus par les propres Iuges des intimez, qui ont peu faire ordonner tout ce que bon leur a semblé à leur aduantage, Mais qui plus est, tous celsdits iugemens ne sont donnez que contre de simples particuliers, Et partant ne peuuent faire aucun prejudice à la communauté des habitans qui n'a esté ouye ny defendue, *Alia enim est causa vniuersitatis, alia causa singulorum, vt dicitur in l. tantum ff. de diuisione rerum & qualitate, quod omnes & vniuersos tangit, ab omnibus & vniuersis probari debet, l. sicut municipium ff. quod cuiuscumque vniuersitatis nomine.*

La seconde consideration qui est entierement decisiue, est qu'encores que des tiltres & pieces produites par les intimez on peust possible induire qu'autrefois ils eussent eu quelque droict de bannalité sur lesdits habitans d'Herbecourt (ce que non), Toutesfois ils ne pourroient plus maintenant pretendre ce droict de seruitude sur eux, parce que depuis vingt, trente, quarante, cinquante & soixante ans & plus en çà ils ont esté en pleine liberté d'aller moudre leurs grains en tous les moulins que bon leur a semblé, au veu & sceu des intimez, sans aucun contredit ny empeschement de leur part, ainsi qu'il est tres-clairement verifié par l'enqueste que les appellans ont fait en l'instance principale: De façon que les appellans ayans vescu de la sorte pendant vn si long temps, il est vray de dire que quand bien autrefois ils auroiēt esté assubjectis à cette seruitude de bannalité, ce qu'ils denient formellement, En tout cas ils auroient prescrit au cōtraire, Parce qu'encores bien que tous les droits de seruitudes ne se puissent acquerir sans tiltre, neantmoins la liberté se peut acquerir contre la seruitude par le temps & espace de trente ans, comme il est disposé, tant par le droict Romain que par la nouuelle Coustume de Paris, & par les Arrests.

Et dauantage les appellans ont encores tres-bien verifié leur liberté & exemption de cette seruitude de bannalité, par la production qu'ils ont fait sur les lettres qu'ils ont obtenues pour articuler faits nouveaux Premierement par vn papier terrier que les intimez ont fait faire en l'année 1607. dans lequel ils ont receu & accepté les declarations de tous les biens & domaines des habitans d'Herbecourt sans parler d'aucun droit de bannalité.

En second lieu, par vn grand nombre d'ensaisinemens que les intimez ont fait à diuerses fois de plusieurs sortes de contrats de vente & alienations des maisons desdits habitans d'Herbecourt sans faire mention d'aucun droit de bannalité.

En troisieme lieu, par des baux mesmes que les intimez ont fait de leursdits moulins de Feuillieres, lesquels ils ont tousiours affermé purement & simplement sans aucun droit de bannalité sur les appellans.

Et pour ces considerations soustiennent lesdits appellans que la Sentence dont est appel doit estre infirmée, Et en emendant ils doiuent estre enuoyez quittes & absous des fins, demandes & conclusions prises à l'encontre d'eux par les intimez pour cedit pretendu droit de bannalité, Et eux condamnez en tous leurs dommages, interets & aux despens, tant de la cause principale que d'appel & de l'instance de lettres, A quoy ils concluent.

Monsieur Laisné Rapporteur.

Et d'autant que les appellans ont encores plus de temps pour se faire libérer
& examiner la cause par le droit de banalité, par la provision du
parlement sur les lettres de la cour de parlement, pour ce faire, nous
avons ordonné par un papier scellé, que les intimes ont fait faire
l'inductioy, dans lequel ils ont receu & accepté les desistations de
tous les autres hommes des habitans d'Herbecourt sans parler d'un
cun d'un de banalité.
En second lieu, par un grand nombre d'establissemens que les intimes
ont fait faire divers fois de plusieurs sortes de contrats de vente &
aliénations des maisons de leurs habitans d'Herbecourt sans faire men-
tion d'un de droit de banalité.
En troisieme lieu, par des faux actes que les intimes ont fait de
loutils moines de l'eglise, lesquels ils ont fait faire & faire par
ment & simplement sans aucun droit de banalité sur les appellans.
Et pour ces considerations soustenues, lesdits appellans, que la sen-
tence dont est apel doit estre infirmée, Et en attendant ils doivent estre
envoyez par les seigneurs de la cour de parlement, demandez & conclusions prises à
l'ordonnance d'eux par les intimes pour ce dit pretendu droit de ban-
alité. Et eux condamnés en tous leurs dommages, interests & aux des-
pens, tant de la cause principale que d'apel & de l'instance de lettres.
A quoy ils concluent.

Monseigneur l'Escheveur.